

Os tuum affine est splendori Bandhûkae; molles tuae genae, o iracunda, Cant. 19.  
nitent tanquam flores Madhûkae; oculi spargunt venustatem nymphaearum cae- 14.  
rulearum; nasus seriem calycum Tilae exhibet, o amata, cuius dentes Jasminos  
referunt. Hercle, vincit universum mundum deus floriiaculus mutuando flores  
vultus tui.

*alare*  
Languent voluptate oculi tui, vultus spargit radiationem lunae, incessus 15.  
mentem hominum delectat, femur utrumque laete sese pandit, illecebrae tuae  
plena doctrina sunt, supercilia sunt variegata imaginum pictura; ecce, tenes,  
o puella, iuventam coelicolam in terram de coelo delatam. « *cho*

Vos benignitate dignetur Hares pugna congressus cum Kuvalayâpîda ele- 16.  
phanto, cuius frontali globulo in mentem revocabantur turgidulae Râdhae pa-  
pillae; in qua pugna qui temere elatus est a Kansa triumphalis victoriae cla-  
mor, dum sudavit paullisper Krishnas et nisus est, mox, deiecto elephanto,  
cessavit.

Postquam longe blandis verbis reconciliaverat Kêçavas amatam hinnuloculam, XI.  
ad umbraculum reversus est, splendido vestitu indutus, lectumque coluit. Vesper 1.  
deinde, fur visuum, quum proserperet, Râdham, splendido ornatu instructam,  
aegritudine liberam, exhortata est quaedam:

»Qui blanditiis lepidam orationem instituit, qui genua tua advolvit, et nunc Cant. 20.  
torum oblectamentorum colit in gremio dulcium Açôkarum; eum sequere, o 2.  
pertinax, Madhuis interfectorem, tibi devotum.

Tu, quae turgido feminum mammarumque onere es praedita, accede lente 3.  
serpentibus pedibus, cingulo gemmeo tintinniente, exhibe incessum cygni; se-  
quere eum, o pertinax, Madhuis interfectorem, tibi devotum.

Ausculda cantui Madhuicidae maxime delectabili, iuvenilem gentem fasci- 4.  
nanti, dum catervae lusciniarum proclamant imperium divi, floribus vulnerantis.  
Sequere eum, o pertinax, Madhuis interfectorem, tibi devotum.

Viticum multitudo, manibus quasi utens congregatis lotis, vento agitatis, 5.  
exhortatur ad cundum temet, quae hinnulum elephantinum feminibus refers;  
desine tardare, sequere, o pertinax, Madhuis interfectorem, tibi devotum.

Quaere ex vasculis istis mammarum, quae repleta sunt guttis liquoris lim- 6.  
pidi, instar lucentis unionis pectori impositi, annon redundant quasi impulsu